

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Specimen Inaugurale Academicum, Sistens Luem
Animarum Boehmisticam, ubi ostenditur, quanto cum
animarum periculo Jacobi Boehmii, Sutoris Görlizensis,
scripta planè fanatica vel amentur & legantur, ...**

Wild, Adam

Altdorfii, 1705

I.

urn:nbn:de:bsz:31-105875

f. XXI. Tot atque tanta pro viribus, quas benignissimum Numen gratis largitum est, modernis, quanquam adhuc plura adjicere potuissemus, in nomine Domine JESU Christi ostendimus, ut cuilibet manifestum fiat, *Bæhmium* & scripta ejus, fanaticæ lue infecta, cum suâ indole & naturâ in plenum *fanaticismi* labyrinthum deducant, neque ferè ullus *Bæhmista* illum aufugere possit, quemlibet vitare, nec aliis commendare debere. Quia cum primis planè *persuasus*, (ut cum finem facere debeam, verbis Magnifici *Dn. D. Fechtii*, Theologi consummatissimi, aureis utar) imò *ex hinc inde agitat* certus sum, hominem hunc primum fuisse infelicis illius certaminis, quod hodiè Ecclesiam nostram heu! totam dilacerat, originem. Nec enim, nisi ejus defensio, in Ecclesiâ nostrâ antea planè insolita, suspicionem plurimis movisset, id sub pre-textu emendandæ Ecclesiæ nostræ agi, ut alia religionis nostræ forma, fanaticæ propior, introduceretur, in has turbas, me iudice, unquam delapsi fuisset. Ah! Omnipotens DEUS, assume in gratiam afflictam tuam Ecclesiam, quam in Filio tuo, nostro Salvatore unico dilecto, cujus pretioso sanguine redempta est, in terrâ collegisti; defende illam adversus igneos Satanæ impetus; omne id propelle, quod dulcem in ejus capite, JESU CHRISTO, quietem turbare, & sanum animarum patrum veneno inficere possit! Amen, in Nomine JESU, Amen.

SOLI DEO GLORIA.

COROLLARIA.

I.

Theologiam Mysticam, quæ primitus pars veræ Theologiae, immediate ad sanctam veri Christianismi praxin directâ, (a) penitentiam, quâ homo à vitis purgetur, serio predicat: (B)

D

doctri-

doctrinam, quâ in omni divina notitia & virtutum genere illuminetur, sedulo inculcat: & (γ) unionem inde cum DEO, seu summo bono, promittit, in quo per firmam animi fiduciam acquiescat, præcæteris excoluit Dionysius ille Areopagita, scriptor adulterinus, ad IV. sec. finem & V. initium pertinens; sed tantâ laborat obscuritate, quantâ etiam hodierni Mystici.

II. Cùm Scholastica Theologia omnem pietatem videretur unice per controversias inutiles & plerumq. nocivas, verbales, rixosus tractare, ex odio abusus Theologia Scholastica, revocatâ Theologia Mystica, in alterum extremû delapsi sunt quidam ejus Professores, existimantes, aut contingere Spiritum S. homini antè verbû exteruum per ipsius præparaciones, anime purgativas ac dispositivas, aut ex solâ Scripturæ lectione, seposito omni humano eodemq. organico studio, Spiritus illuminationem expectari, & hoc pacto ita hominem DEO uniri, ut deificetur, & ad DEI essentiam, ex quâ primitus effluxerit, redeat.

III. Illicite ab externo, libero & Christiano Magistratu politico ordinato cætu (cùm modernus sit Babelicus & Anti-Christianus) segregaciones, & peculiare istiusmodi conventus, (cùm Ecclesia non debeat esse certo ordini, legibus, horis & institutis alligata) quocunque pacto instituti, plenum inducunt Separatismum, quem adamant Mennonistæ, Schwenckfeldiani, Bœhmistæ, Labadistæ, Borignoniani, Quackeri & alii.

IV. Privatos pietatis conventus, in quibus salutaris vel legendo literas & librum alium utilem atque sanum, vel colloquia de rebus piis ac devotis instituendo, Christianismus exercentur, & DEUS T. O. M. debito modo collaudetur, non parum utilitatis habere, & morem spernendum non esse, putamus, si abusus possit & discordia docentium evitari. Id verò si obtineri nequeat, ea via eligenda est, quâ veritati pariter & paci prospicitur, ut rectè judicat B. Schomerus in Præf. Lib. de Collegiat. non dissentiente consummatissimo Theologo Rostochiensis, Dn. D. Fechtio; quod etiam suo exemplo comprobavit celeberrimus Theologus Hamburgensis, Wincklerus, b. m. privata pietatis, ut vocant, collegia, animadverso eorum abusu & offensione, inde enascente, prorsus abrogans.